

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Савјет националних мањина БиХ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM / ZASTUPNIČKI DOM

Vijeće nacionalnih manjina BiH

Broj: 05/7-39-1-158-76/21

Sarajevo, 27. 10. 2021.

Z A P I S N I K

76. sjednice Vijeća nacionalnih manjina BiH, održane 25. 10. 2021.

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Eva Pašić-Juhas, Mladen Radmilović, Davor Ebner, Nedžad Jusić, Jovanka Manzalović-Šalaka, Hakan Varan, Halil Bicaj, Tijana Vučurević, Marija Grbić i Dejan Piotrovski.

Sjednici, iz opravdanih razloga, nije prisustvovala Vjeročka Gajić.

Sjednici su, također, prisustvovali Igor Bevanda, pomoćnik ministra u Sektoru za budžet institucija Bosne i Hercegovine, Aida Kreho, sekretar Zajedničke komisije za ljudska prava, i Enver Bogućanin, stručni savjetnik za informiranje u Sektoru za odnose s javnošću Parlamentarne skupštine BiH.

Na početku sjednice, prilikom rasprave o dnevnom redu, Tihomir Knežiček zatražio je skidanje s dnevnog reda tačke 3, s obzirom na to da za raspravu, kako je navedeno, nije dostavljen materijal u pisanoj formi. Ovaj prijedlog nije prihvaćen, dva glasa bila su „za“ i 13 glasova „protiv“.

S obzirom na to da nije bilo promjena, sjednica je imala sljedeći **dnevni red**:

1. Usvajanje Zapisnika 75. sjednice Vijeća nacionalnih manjina BiH;
2. Razmatranje mogućnosti rješavanja problema finansiranja i izdvajanja dijela sredstava u Zakonu o budžetu institucija BiH i međunarodnih obaveza BiH s ciljem osiguranja finansiranja i opstanka udruženja nacionalnih manjina u Bosni i Hercegovini;
3. Razmatranje mogućnosti rješavanja problema predstavljanja nacionalnih manjina od nelegitimnih predstavnika manjina;
4. Tekuća pitanja.

Ad. 1. Usvajanje Zapisnika 75. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo rasprave, pristupilo se glasanju, te je Zapisnik jednoglasno usvojen.

Ad. 2. Razmatranje mogućnosti rješavanja problema finansiranja i izdvajanja dijela sredstava u Zakonu o budžetu institucija BiH i međunarodnih obaveza BiH s ciljem osiguranja finansiranja i opstanka udruženja nacionalnih manjina u Bosni i Hercegovini

Nakon što je predsjedavajući otvorio raspravu o ovoj temi, riječ je data Igoru Bevandi, pomoćniku ministra u Sektoru za budžet institucija Bosne i Hercegovine, koji je članove Vijeća nacionalnih manjina upoznao s pravilima i fazama izrade prijedloga zakona o budžetu institucija i međunarodnih obaveza Bosne i Hercegovine, te pravilima koja se primjenjuju za vrijeme privremenog finansiranja institucija, usljed neusvajanja zakona o budžetu institucija i međunarodnih obaveza Bosne i Hercegovine, te odredbama Zakona o finansiranju institucija Bosne i Hercegovine.

U raspravi su učestvovali Dragan Marković, Nedžad Jusić i Tihomir Knežiček.

Informacija je jednoglasno primljena k znanju.

Ad. 3. Razmatranje mogućnosti rješavanja problema predstavljanja nacionalnih manjina od nelegitimnih predstavnika manjina

Predsjedavajući je dao riječ Nedžadu Jusiću, predlagачu ove tačke dnevnog reda, koji je dao objašnjenje i izložio određene konkretne primjere zloupotrebe mogućnosti izjašnjavanja pripadnosti konstitutivnom narodu ili redu 'ostalih', s obzirom na to da ne postoji način dokazivanja pripadnosti određenom narodu, ali ni sankcije za zloupotrebu ovog prava.

S ciljem pokušaja sprečavanja zloupotrebe instituta izjašnjavanja pripadnosti konstitutivnim narodima ili grupi ostalih, Vijeće je, s 12 glasova „za“, četiri glasa „protiv“ (Tihomir Knežiček,

Jakob Finci, Marija Grbić, Jovanka Manzalović-Šalaka)¹ i jednim glasom „suzdržan“ (Tijana Vučurević), odlučilo obratiti se Interresornoj radnoj grupi za izmjenu izbornog zakonodavstva, s molbom pooštavanja relevantnih odredbi Izbornog zakona Bosne i Hercegovine koje se odnose na ovu temu.

Ad. 4. Tekuća pitanja

- a) Na početku, Todorka Jovanović istakla je primjedbu da visina naknade koja se članovima Vijeća isplaćuje za prijevoz od mjesta prebivališta do mjesta održavanja sjednice ne odgovara stvarnom stanju i cijenama autoprijevoznika, te je jednoglasno zaključeno da se o ovom problemu i načinu njegovog rješavanja konsultira Sektor za finansije.
- b) Imajući u vidu da se 5. 11. obilježava Svjetski dan romskog jezika, a 9. 11. Međunarodni dan borbe protiv fašizma i antisemitizma, Vijeće je jednoglasno zaključilo da se izrade saopćenja za javnost povodom ovih značajnih događaja.
- c) Imajući u vidu tragediju i sedam stradalih osoba/Roma u Brčkom u požaru, Nedžad Jusić je predložio, a Vijeće jednoglasno zaključilo da se gradonačelniku Brčko Distrikta upute izrazi saučešća.
- d) Todorka Jovanović je zamolila predsjedavajućeg Vijeća da se u narednom periodu, s obzirom na vremenske uslove i potrebu putovanja pojedinih članova, sjednice Vijeća zakazuju prije 17 sati.

Sjednica je završena u 17.50 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**

¹ Način poimeničnog izjašnjavanja 'protiv' i 'suzdržan' unesen po zahtjevu Nedžada Jusića na 77. sjednici, prilikom rasprave o Prijedlogu zapisnika sa 76. sjednice.